

utvrđuje se sljedeći najveći količnik i tako sve dok se ne dođe do kvalificiranog kandidata. Ukoliko među preostalim kandidatima na kandidatskim listama nije kvalificirani kandidat, za Gradsko vijeće se delegira općinski vijećnik koji je na izborima za Vijeće dobio najveći broj glasova građana i koji pripada narodu čiju je minimalnu zastupljenost u Gradskom vijeću potrebno osigurati delegiranjem iz Vijeća bez obzira na izborni rezultat političke stranke ili koalicije, odnosno rezultat koji je ostvario na lokalnim izborima, kao nezavisni kandidat.

Ukoliko se na način iz stava 13. ovog člana ne može delegirati kvalificirani vijećnik, u Gradsko vijeće se delegira kvalificirani kandidat s najvećim brojem glasova građana, a sa liste kandidata koja je bila prijavljena na lokalnim izborima za Vijeće i to od strane političke stranke, koalicije ili grupe vijećnika čija kandidatska lista je na izborima u Vijeću za Gradsko vijeće dobila mandat koji se oduzima.

Ukoliko na listi kandidata političke stranke koalicije, liste nezavisnih kandidata ili grupe vijećnika za lokalne izbore za Vijeće, a čija kandidatska lista je na izborima u Vijeću za gradske vijećnike dobila mandat koji se oduzima nema kvalificiranog kandidata, delegira se kvalificirani kandidat koji je na lokalnim izborima za Vijeće dobio najveći broj glasova, bez obzira na izborni rezultat koji je ostvarila politička stranka ili koalicija odnosno koji je ostvario kao nezavisni kandidat.

Konačno dobiveni rezultati izbora u Vijeću za Gradsko vijeće potvrđuje Centralna izborna komisija BiH.

Član 176.

Zamjena za gradskog vijećnika kojem je prestao mandat prije isteka mandata gradskog vijećnika, vrši se iz reda istog konstitutivnog naroda sa kandidacione liste za Gradsko vijeće, koji ima najveći količnik za kandidata iz istog naroda.

Ukoliko na kandidacionim listama nema kandidata iz reda naroda upražnjenog vijećničkog mjesta za Gradsko vijeće će se delegirati općinski vijećnik pripadnik istog naroda koji je na lokalnim izborima dobio najveći broj glasova među kandidatima iz tog naroda.

Ukoliko ni na listi kandidata za općinske izbore predlažaća iz stava 2. ovog člana nije zastupljen kvalificirani

kandidat za Gradsko vijeće delegirat će se kandidat sa kandidatskih lista političkih stranaka ili koalicija koje imaju predstavnike u Vijeću, a koji je među kvalificiranim kandidatima osvojio najveći broj glasova građana na lokalnim izborima za Vijeće, iako nije općinski vijećnik.

XX - PRELAZNE I ZAVRŠNE ODREDBE

Član 177.

Vijeće i Načelnik će uskladiti svoje propise i akte sa ovim Statutom u roku od 6 mjeseci od dana stupanja na snagu ovog Statuta.

Član 178.

Mjesne zajednice su dužne usaglasiti svoje postojeće akte sa ovim Statutom u roku od 6 mjeseci od dana stupanja na snagu ovog Statuta.

Član 179.

Gramatička terminologija korištenja muškog i ženskog roda u ovom Statutu podrazumijeva uključivanje oba roda.

Član 180.

Danom stupanja na snagu ovog Statuta prestaje da važi Statut Općine Novo Sarajevo - prečišćeni tekst ("Službene novine Kantona Sarajevo", br. 12/06, 14/08 i 25/08).

Član 181.

Prečišćeni tekst Statuta Općine Novo Sarajevo sadrži:

- Statut Općine Novo Sarajevo ("Službene novine Kantona Sarajevo", broj 35/10) i
- Statut o izmjenama i dopunama Statuta Općine Novo Sarajevo ("Službene novine Kantona Sarajevo", broj 45/19), u kojima je naznačen dan stupanja na snagu istih.

Član 182.

Prečišćeni tekst Statuta Općine Novo Sarajevo, objavit će se u "Službenim novinama Kantona Sarajevo".

Broj 02OV-02-407/20
27. januara 2020. godine
Sarajevo

Predsjednik
Komisije za statut i propise
Bahtanović Hazim, s. r.

OPĆINA TRNOVO

Općinsko vijeće

Na osnovu člana 34. stav (1) i člana 39. stav (2) Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) i člana 24. i 117. Statuta Trnovo ("Službene novine Kantona Sarajevo", broj 12/08), Općinsko vijeće Trnovo, na 18. sjednici održanoj, dana 31.05.2019. godine, donijelo je

ODLUKU

IZMJENAMA I DOPUNAMA ODLUKE O PRISTUPANJU IZRADI IZMJENA I DOPUNA REGULACIONOG PLANA "SPORTSKO REKREACIONO PODRUČJE BJELAŠNICA"

Član 1.

U Odluci o pristupanju izradi izmjena i dopuna Regulacionog plana "Sportsko rekreaciono područje Bjelašnica" ("Službene novine Kantona Sarajevo", broj 48/17) u članu 1. iza broja 11/82 dodaje se tekst "i "Službene novine Kantona Sarajevo", broj 22/16."

Član 2.

U članu 6. tačka "C.3. Zona Bukova Ravan, se briše."

Član 3.

Iza člana 8. dodaje se član koji glasi
"9.

Izmjena i dopuna SRC Bjelašnica-Bukova ravan ("Službene novine Kantona Sarajevo", broj 22/16) stavlja se van snage."

Član 4.

Iza člana 9. dodaje se član koji glasi
"10.

Nosilac izrade plana je dužan Izvještaj o strategijskoj procjeni uticaja na okoliš uvrstiti u završni dokument Plana."

Član 5.

"Dosadašnji članovi od 9. do 14. postaju članovi 11., 12., 13., 14., 15. i 16."

Član 5.

Ova Odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-02-369/20
04. februara 2020. godine
Trnovo

Predsjedavajuća
Općinskog vijeća Trnovo
Emina Mehmedagić, s. r.
Odluka objavljena na oglasnoj ploči Općine Trnovo dana
04.02.2020. godine